



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

CARDINALITIIS DISPUTATIONIBUS,
*manè discutienda in Scholis Medicorum, die Martis sextâ. mensis
Aprilis, anno Domini M. DCC. LXXIII.*

PRÆSIDE,

M. PETRO BERCHER, Facultatis ex-Decano & Academiæ Censore,
Regiæ Hispaniarum Infantis, dum viveret, necnon Regii exercitûs
ad Infimum Rhenum in ultimo bello Medico Primario, Doctore
Medico.

An varius Causariis, pro diversâ tempestate, victus præscribendus?

I.



PRÆSTANTIOR sanitatis tuendæ lex est non satiari cibus, sed
esse impigrum ad laborem; victus enim ubi plenior, ibi nu-
tritio parior; nam quæ ingeruntur perennes corporis effluxus
non refarciunt. sed quæ digeruntur; ut pathemata animos acunt
& erigunt, *anxia* hebetat; sic labor corpus firmat, ignavia
mollit, hæc maturam senectutem accersit, ille longam reddit ju-
ventutem: sobrietas enim & exercitatio fidissimi sanitatis custodes
superflua circumcidendo, novas Corpori vires addunt, si mutuam sibi ferant

* Propugnata anno 1745 Præsede M. M. L. Vernage,

opem & amicè conjurent, stabilem servant machinæ habitum, externisque minùs injuriis obnoxium; non intemperantiæ vitiis gravis, animum unà prægravat, sed grata viget cum functionum integritate mentis alacritas: vividior si quidem sit spirituum in partes influxus, sanguinis expeditior circuitus, excernendorum minor congeries, facilior secretio, uberior insensibilis halitus, major denique solidarum partium tonus & elater. Jugi & æquabili arietantis in partem liquidi, resilientis fibræ motu, alternis vicibus deteritur & restituitur Corpus; modus illius & finis est adjectio deficientium, & detractio exuperantium; hos si limites transiliat natura, vel superfluis oppressa corrui, vel necessariis defecta contabescit; utrumque pariter metuendum discrimen vitabit sedulus observator ætatis, temperiei, prælestim anni tempestatum, quarum vicissitudo, permutatio, diversè corpus afficiunt, & naturæ vim augment, aut minuunt; horum ancipites effectus singulari victus normâ cuilibet idiosyncrasie propriâ, aut sævientis anni temporis intemperiei debellandæ idonea arcebit.

I I.

UT nullus sine vitiis, sic nemo sine morbis nascitur; Beatus ille qui minimis urgetur: sæpè vultûs lineamenta & mores, sæpius temperamentum & morbi à parentibus in sobolem traducuntur; arthritici arthriticis, tabidi tabidis, Causarii Causariis, fortes creantur fortibus; horum affectuum germina ad eò penitus sunt sanguinis principii insita, ut hæc emendare tantum, non delere valeat ars; naturam enim expellas frustra, tamen usque recurrit. Qui ex meliore luto formatus solidis in debitâ compage, fluidis in decenti copiâ, crassi, & motu convenientibus constat; cui latum pectus, firma latera, stomachus sine dolore & labore concoquens, validum corpus promittunt: qui vesano non uritur amore, nec inanes & operosos honores ambit, non avidè quarit opes, & inventis miser abstinet, nec invidus alterius opimis rebus macrescit, sed æquum rebus in arduis, non secus in bonis, ab insolenti temperatum lætitiâ animum servans, câ quam ratio ipsi dederit vel fors objecerit sorte contentus vivit: qui denique sui compos & salutaribus Philosophiæ præceptis imbutus, sanam mentem in sano corpore tuetur; hic nullis debet obligari legibus, sed varium pro arbitrio vitæ genus tam impunè quàm audaciter sequi; at Causarius vel ingeniâ hæreditario jure, vel endemiâ regioni quam incolit, ut Hispanis strumæ, scorbutus Batavis, plica Polonis, vel adscititiâ, ab ex lege vivendi ritu, aut acrioribus curis, infirmitate flaborans, cujus pectus frequens tussis lancinat, vel asthma opprimit, quem renum arenulæ vel calculus angunt, aut cruciat arthritis sæva Bacchi & Veneris filia, magnatibus & opulentis maxime familiaris, mancipiis & sequiori sexui nisi mensibus defraudato, aut virili licentiâ effrenè viventi ferè ignota, rusticis omnia tenui simplicique victu & improbo labore vincentibus aut fugantibus incommoda insolens; hic salutaribus Medicinæ legibus subscribere cogitur; iniquis enim conditionibus lucem accepit, qui Causarium & à recto sanitatis tenore delirans corpus à naturâ sortitus est: facillè rerum externarum occurru percellitur; hunc sæpè dolor quasi prænuntians tempora, & Coeli conversiones fragilem & tenerum ferit, quibus bene natus minimè tangitur; ob levissimum errorem plectitur; continuò ipsi cum domestico hoste, quem venis alit, luctandum, cujus sæpè nocituras vires solo tempestivo rerum non naturalium usu, & cautâ pro diversis anni tempestatibus victus mutatione retundet.

ANNI lapsum fermè imitatur hominis natura. Quas hæc ætatum decursu subit alterationes, easdem ille pro vicissitudine temporum adumbrat singulis annis renovandas; Certum quoddam percurrendo spatium sol tempestatem definit, quò insignem in aëra inducit mutationem, cujus in partem facilè sanguis adducitur, mortalibus enim vitæ & morborum auctor est aër; si purus, aut plus minusve inimicus inquinatus niasmatis sese in corpus inferat: huius superficiem undique circumfusum pondere premit, elatere diverberat, diversisque modis mutat, laxat, emollit, deusat, constringit: si per pulmones inspiratus sanguinem non permeet, cum cibis confusaneus ipsi permiscetur & in penitiorem partium compagem delabitur: si Cælum sit siccum & æstuet, sanguis rarefcit aucto motu intestino, liquatur, par laxata undique partium spiracula disfluit, maximumque dum patitur utilis substantiæ cum sero secedentis detrimentum, actimonia contrahit & mordacitatem; idcirco Æstate spontaneam senties lassitudinem, acrem expirationem, corporis moles liquefcit, ejusque pondus & virtus immiununtur; quod ne præceps ruat, moram avertit victus ratio, qui contrariâ, interiore tumultum indole compescat: densior ex aëris frigiditate fit corporis habitus, meatus constringuntur, cœcæque exhalationes coercentur, sanguinis moles accrescit, lentus & viscidus ob extranearum particularum scaturienti evadit, secretiones turbantur: Ex Autumnii inæqualitate videas quot diversis modis corpus percellatur: Hyeme, frequenti corpora plenitudine turgescunt, quæ Veris adventu molestiam facefcere consuevit: Cæterum si fueris intemperatus, intemperiem tibi insitæ similem iniquis feres, quàm quilibet rectè temperatus quamlibet aëris intemperiem: Hinc naturas inter & ætates aliis benè vel malè est pro variis anni temporibus.

I V.

PERFECTA est partium solidarum diathesis, ubi conformatione, situ, nexu, ordine, magnitudine, numero, aptè conveniunt; sic affabrè constitutam pro sui indole incolumem servat aut labefactat liquidum quod corpus jugiter alluit; diversa etenim est, & varias vices patitur sanguinis natura; huius motus, nifus, concretio, solutio, secretio multiplex: discrepantibus fluida moles conflata partibus, varias facillimè subit alterationes: huius si principia copiâ & facilitate contemperentur, sanitas viget, si dissideant, plurima circumveniunt incommoda; quantum ad has vicissitudines promovendas valeant quæ sese alternatim excipiunt tempestatem, quis non experitur? Vere tumet sanguis, & fe suo æstu despumat, inde febrium cohors, hæmorrhagiæ, & varia exanthemata erumpunt: Syrio ardente fervet bilis, acrior redditur, inde causus urit, maligna defævit febris, ultrò vomitur bilis, à Catharticis biliosiora purgantur; autumno morborum ferace, viget atra seu tenacior bilis, hoc fonte pervicaces melancholici affectus & diurni morbi derivantur: acri hyeme pituita redundat, quò intercluso insensibili halitu lympa inspifsetur; inde Catharri, Rhumatici dolores, inflammatoriæ febres, pleuritis, peripneumonia, angina, grassantur: quid si ad has mutationes victus error accesserit, exuperans humor peculiare parit morbos, qui eos imprimis invadunt causarios quorum similis temperies ipsius impetui retundendo impar est: immoderationem aëris facilis feret ætas contraria: per ætatem & ineunte autumno senes reviviscunt, per hyemem pessimè se habent, & sæpè ineluctabili necessitate solvuntur, exeunte autumno, valet ætas florida, ardente Julio fervet;

magnæ mutationi adversam in victu opponere mutationem artis apex est ; hanc si sapienter institueris, optimam temperiem diu servabis integram , in vitium flecti pronam intra naturæ modum coerceris.

V.

SANITAS ut à morbo maxime distat , sic curatrici præstat Medicina conservatrix ; hujus legum studiosus observator , felix & sanus Nestoreos agere annos ; ab eâ qui deflexerit, delicta seriùs ociùs luer : qui parciorebus & conquistis utitur alimentis , corpus modico firmat & puro sanguine ; uberiori contra & lutofo emollit , qui luxuriòsius pascitur : ultrò tumultuatur & effervescebat sanguis pravus inquinatus succis , & externis rebus , aëre potissimùm ad exardescendum impellitur ; quis neget multò potentiùs ab anni temporibus corpora moveri , malignis foli expirationibus , fervidiore æstu , rigidiore frigore , procellis , imbris inordinatis , Epidemiæ & contagii plerumque feracibus ; idcirco per anni curriculum acuti defæviunt morbi quorum malitia sagacis Medici eò diligentiorum requirunt curam , quòd nisi ad ipsius providentiam summa accesserit celeritas ; eam sæpè sæpiùs præcipiti impetu deludant : ut sanitatem aër , cibus & potus foveat , sic crebrò morbis ansam præbent ; usus effectuum disparitatem facit ; nec frequenter plectitur qui victum ex variis aëris viribus metitur ; hyeme , minis comedat , at meraciùs bibat ; vere potum & cibos adaugeat sensimque à tenuioribus ad densiora progrediatur ; æstate , cùm corpus potu & alimentis frequentius egeat , bibat dilutiùs , sæpiùs , at minis singulis vicibus pascatur ; & quæ nimium caloris æstum compescunt alimenta feligat : autumnus undiquè periculis scatet adeò varius est , hinc diversum sed cautum pro variâ ipsius intemperie vitæ genus sequi juvat : his præceptis obtemperare valentibus opportunum , sed & cautiùs eò scrupulosius observare necessum est quòd magis patet offensis ipsorum infirmitas.

Ergò variis Causariis , pro diversâ tempestate , victus præscribendus.

Proponēbat Parisiis FELIX VICQ D'AZIR , Valonæus apud Constantienfes ,
Saluberrimæ Facultatis Medicinæ Parisiensis Baccalaureus ,
A. R. S. H. 1773 , à sextâ ad meridiem ,